



Bargostipeanda filbmabargiide

Fylkkaráđi čakčamánu 5. beaivvi 2023 mearridan váldonjuolggadusat

1. Stipeandda hárrái

Stipeandaortnet lea ekonomalaš váikkuhangaskaoapmi, mii galgá veahkehit fitnolaš filbmafágalaš ovdáneapmái Finnmárkkus, ja maiddái nannet filbmabargiid vejolašvuoda ássat ja bargat fylkkas. Ortnet lea oaivvilduvvon fitnolaš filbmabargiide, geat barget audiovisuála dáiddabargguiguin, sorjákeahtá vuodđolávddis. Bargostipeanda juolluduvvo guovtti jahkái. Stipeanda lea 150 000 kruvnnu goabbat jahkái.

2. Ulbmil

Fylkkagieldda bargostipeanda filbmabargiide galgá nannet filbmabargiid fitnolaš ovdáneami ain ovddos guvlui. Stipeanda galgá addit áiggi ja ávvosa gártadit ođđa gealbbu ja gárgedit ođđa prošeavttaid.

3. Gii sáhtá ohcat

- 3.1. Ohcci ferte leat barggolaš fitnolaš filbmabargi, gii bargá audiovisuála dáiddabargguiguin. Audiovisuála dáiddabargu oaivvilda dás fikšuvnnalaš dahje dokumentáralaš ovdanbuktima jienaid ja govaid bokte filbman dahje gurgadassan mat leat buvttaduvvon almmolaš čájálmasaid dahje gávpejoru dihtii.
- 3.2. Ohccis ferte leat čuožžovaš bachelordási dahje alit dási oahppu, dahje ferte sáhttit duođaštit čuožžovaš fidnomáhtu audiovisuála suorggis.
- 3.3. Ohcci ferte leat Finnmárkku fylkkas ássi ja doaimmi stipeandaáigodagas.

4. Masa sáhtá stipeandda geavahit

- 4.1. Stipeandda galgá atnit bargui, dása lohkkovuvvo mielde konkrehta prošeakta dahje fágalaš čiekŋun ja áhtanuššan. Stipeandda sáhtá maiddái atnit oahppo- dahje eará fágamátkkiide.
- 4.2. Osiid stipeanddas sáhtá dárbbu mielde atnit oastit kámara-, redigeren- dahje eará fágabiergiid.
- 4.3. Stipeandda ii sáhte atnit ealáhusdoaimma álggaheapmái dahje doaimma ceggemii.
- 4.4. Stipeandda ii sáhte atnit ruhtadit lohkama masa dábálaččat sáhtá oazžut doarjaga Stáhta oahppoloatnakássas. Iige stipeandda sáhte atnit studeantaprošeavttaide (prošeavttaide mat ráhkaduvvojit oassin lohkamis).

5. Gáibádusat ohcamuššii

Ohcamuš sáddejuvvo elektrovnnalaččat ohcanskovi bokte mii lea fylkkagieldda neahttasiidduin. Mildosat ohcamuššii lástejuvvojit ohcanskovvá. Ohcanskovis bivdojuvvojit čuoovovaččat:

- 5.1. Oktavuodadieđut
- 5.2. Stipeandda ulbmila, ealju ja fágalaš vuodustusa oanehis válddahallan.
- 5.3. Boahttevaš filbmafágalaš juksanmeriid ja plánaid, áinnas konkrehta prošeavttaid, válddahallan ja oanehis válddahallan masa ohcci áigu geavahit stipeandaáigodaga.
- 5.4. 3 mildosa rádjai mat duođaštit doaimma filbmabargin, ja mat guovdilastet ođđaset aktivitehta ja prošeavttaid maŋimuš viđa jagis. Teakstadokumentašuvdna lágiduvvo PDF-fiilan, mii ii galgga leat eambo go 5 siiddu guhku. Filbmadokumentašuvdna biddjojuvvo mielddusin neahttaliŋkan (omd. Vimeo). Neattaliŋkkat galget čujuhit njuolga guoskevaš materiálii. Juos sisačállindieđut gáibiduvvojit, de ferte juohke

linjka beassansátni dieđihuvvot. Materiála ferte leat duhkodagas uhcimustá 6 mánu manjil ohcanáigemeari.

- 5.5. CV mii lea 3 A4-siiddu rádjai guhku, galgá lástejuvvot PDF-fiilan. CV dahká vuđđosa aktivitehtaárvoštallamii, ja galgá sisdoallat dieđuid: (1) čuožžovaš oahpu birra, (2) čuožžovaš bargomáhtu birra, (3) čadahuvon prošeavttaid ja produkšuvnnaid välllejumi birra, ja maid (4) eará čuožžovaš dieđuid, nugo ovdalis vuostáváldojuvvon stipeandaid, bálkkašumiid ja ruđalaš doarjagiid birra. Boahttevaš aktivitehta galgá duššefal váldojuvvot mielde CVii juos dat lea duođaštuvvon.

Ohcamuš árvoštallojuvvo dieđuid vuođul mat leat biddjojuvvon ohcamuššii. Buot bajásčuvgehusat mat jerrojuvvojit váldonjuolggadusain, ja maiddái eará dieđut maid ohcci dáhttu váldit mielde árvoštallamii, fertejit biddjojuvvot ohcamuššii.

6. Ohcanáigemearri

Ohcanáigemearri lea juohke nuppi jagi golggotmánu 15. beaivvi diibmu 13:00. Ohcamušat mat bohtet sisa manjil ohcanáigemeari, eai gieđahallojuvvo.

7. Áššejohtu

- 7.1. Dáidda- ja kulturovdánahttima juogus lea ortnega čállingoddi, ja vuostáváldá ja logahallá ohcamušaid, ja ráhkkanahhtáge daid stipeandapanela gieđahallamii. Bargu galgá čuovvut hálddahuslága mearrádusaid áššegieđahallama hárrái, masa gullá maiddái easttahasvuohhta, jávohisvuodageasku ja bagadallangeatnegasvuohhta.
- 7.2. Fylkkaráđđi juolluda stipeandda stipeandapanela mearrádusevttohusa mielde.
- 7.3. Fylkkagielda váldá oktavuodá stipeandda vuostáváldiin. Stipeanda juhkkajuvvo fylkkadikki oktavuodas.
- 7.4. Buot ohccit ožžot elektrovnnalaš mearrádusreivve go áššemannolat lea loahpahuvvon.

8. Stipeandapanela

- 8.1. Stipeandapanelas leat golbma lahtu geain lea viiddis filbmafágalaš gealbu.
- 8.2. Lahtuid nammada fylkkagielda filbmasuorggi fágaorganisašuvnnaid oaiviladdimiid vuođul.
- 8.3. Juohke juolludeami várás ceggejuvvo ođđa stipeandapanela.
- 8.4. Panelalahtut geain lea čatnaseapmi evttohasaide, priváhta dahje fitnolaččat, galget dieđihit hálddahussii ja eará panelalahtuide iežaset gaskavuodá birra evttohasii. Juos lea bearašgullelašvuohhta evttohasii, dahje juos priváhta servvoštallá evttohasain, de lea panelalahttu easttalaš.

9. Ohcamušaid árvoštallan ja vuoruheapmi

- 9.1. Stipeandapanela árvoštallá ja evttoha ohcciid sin filbmafágalaš kvalitehta ja aktivitehta muttolaš árvoštallama vuođul, ja maiddái stipeandaortnega gustovaš váldonjuolggadusaid mielde.
- 9.2. Lassin deattuha gealbbu, juksanmeriid ja boahttevaš potenciála, iešlági ja ođđahutkannávccaid, ja ohcamuša lávedeamii maid.
- 9.3. Álgovuodus ii galgga juolluduvvot filbmabargái stipeanda eambbo go oktii.

10. Olggostmáksin ja raportereren

- 10.1. Bargostipeanda lea kr 150 000 goabbat dan guovtti jahkái. Stipeanda máksojuvvo oktii jagis.
- 10.2. Ohcci geasa juolluduvvo stipeanda, galgá sáddet fáktura fylkkagildii manjilgo mearrádusreivve lea vuostáváldán.
- 10.3. Stipeanda máksojuvvo nuppi jahkái fáktura vuođul manjilgo vuostáváldi lea addán oanehis čoahkkáigeasu vuosttas jagi aktivitehtas ja stipeandda geavaheamis.
- 10.4. Stipeandavuostáváldi ferte addit loahpparaportta iežas filbmafágalaš barggus stipeandaáigodagas, oktan árvoštallamiin maid stipeanda lea mearkkašan su áhtanuššamii ja doibmii. Juos plánat leat nuppástuvvan, de galgá dát čielggaduvvot.

Raporterenáigemearri lea ovdal njukčamánu loahpa jagi maŋŋilgo stipeandaáigodat lea loahppan.